

禮拜三

大日本明治三十二年六月十二日

國聞報

大清光緒三十四年五月初四日

第二百三十一號

本館設在上海英大馬路... 每張取錢十文

支那與泰西之相通... 支那與泰西之相通在古已然矣...

上諭恭錄... 五月初二日奉 上諭...

華俄道勝銀行

本銀行資本... 總行設在上海... 分行遍設各國...

稅餉盈絀

○法國總理庫威近將一千八百九十八年二月分國家所入地丁錢糧稅物稅以及國家專利之款列示國人總核...

告白刊例

一、本館刊登告白第一日每行取銀四文...

安敦而外大都出於商賈之傳聞或胡僧之游歷偶然獻方物告守吏道其已之來意而已無有彼此之便臣銜其君命以上固邦父山下
與商務者也自明中葉法人略地至南洋乃於正德十二年遣使臣致方物俗傳其人久留不去割行旅主略食小兒則今日剖心割目之
流言其於始於此十五半御史何驚言佛朗西強悍善制火礮前歲大船突入廣東城礮聲震地不知早與之絕云云則中土之
人船堅利之威亦始見於此中國之與泰西雖有交涉而情誼尚不能通之証也迨嘉靖十四年以濠鏡許葡人遂為開埠之始至崇禎
間利瑪竇傳教西來得與徐文定論交中國然後徐文定所學之精西學之名始於此於是徐文定因論利瑪竇等修
改法會明室衰亂未竟其業迨大清 聖祖皇帝以開天明道之資當制禮作樂之日乃破成說用西法時憲之曆湯若望南懷仁與
焉實用多祿謀之法則中國用西法之始矣中西之事情於此稍通然而其在上之人則仍未相往來也 此稿未完

國朝錄要 據官場傳說日前楊幸伯侍御具摺奏請制藝取十習非所用請量為變通奉 旨交總理衙門禮部議覆現已奉有諭旨俟下屆庚子科鄉
試為始改試策論云

天津本地新聞

學堂紀聞 ○天津大學堂所聘律例教習係英國大律師伊美君斯已於昨日到津不日即可入堂課授諸生矣○俄文館學考題
目及各學生得獎名數已一再紀報茲聞全榜已由督憲發出到堂獎洋照錄發給
榜尾待認 ○帆船失火會紀前報其落水之者民搭客計有二十餘人屍身均不知飄往何處日昨午潮初漲浮起屍身兩個由塘
沽碼頭撈起所著衣服大似者民而者民屍親驗之又云非是現始成殮以俟來認
南來雜貨 ○新豐連陸兩船相繼抵津各裝雜貨千餘噸不知因何起見該行不願由火車裝運一律由駁船卸貨直抵紫竹林開
兩船所載雜貨為大宗則洋見船酒南貨而已
道木運津 ○日本駁中九輪船於上月三十日抵泊招商局碼頭所裝盧保道木一萬零八百塊現由盧保廠趕卸紛紛搬運極
踴躍二三日便可卸清該輪即欲開往營口云
除暴安良 ○刻據保甲局李少雲太守札飭各段局員令將所管地面訪查匪徒共有若干係何姓名住址何處逐一密稟田本局
查拿懲辦以靖地方
籌辦煌煌 ○刻聞府憲傳諭書差人等令其常川入署妥慎辦公如有勞績可嘉定必予以獎勵勿得積壓公事致干革究云云
造車請驗 ○昨有長蘆商人萬盛新等號七家店口同赴批驗廳呈遞開碼日期鹽斤鹽數清單並請陳大使親詣批驗視察包
俾免死役玩延致誤運云
請獎世職 ○昨有朱少齋赴縣署投遞供結宗圖等件稟請邑尊加結轉詳以便承襲世職而食半俸云云至果否准行見批再錄
憑串入籍 ○直沽以下同保兩離一曰豐財一曰富民後因離地多荒將富國場奏裁然其地土照舊完納彼納課之子孫自應照
章列入籍籍一體應試刻據邑尊牌示如持有納課丁串者准其投卷與民籍同日開考
傳來消息 ○聞官場中人傳說有旨官參劾直隸候補道府人員十三人至被參者何人其事甚為秘密刻尚未得而知俟
訪明再登

官場紀事 ○昨報有前任直隸總督王夔帥改期初二入都之說係訪事人誤傳茲悉夔帥於初二日十一點半起程 聖安綢設
於車站中堂以下咸往車站恭送至楊村者約數十人旅津西商官商在車站送行者亦有十餘人聞夔帥即於是晚運膳牌至 宮門請
安云 通永道沈子枚觀察日昨由道來津暫住行旌於招商局開送王夔帥起程後即回通○刻臬司移札道府請即飭下所屬州縣
趕將承審各案已結未結條晰繕分彙開清單詳請核核計勿得遲延致干察議云○聞府憲札知經總參軍令將清泉局所收各
商捐款數目及該商等保何字號出捐若干逐一造具清單呈送來府以憑核對而便開報○昨督憲委派員弁率同兵役坐乘火車赴京
都繳還兵部火票一具以便驗銷該弁等即已日起程矣
縣批錄要 ○吳鄭氏呈控宋九等批爾夫撥船外出宋五等將爾留在家內共度是宋五等之待爾不厚乃爾竟以口角微嫌
捏詞混濁殊屬不守婦道者仍回家安度毋再蔓訟致干未便○張廷甲呈批查裕泰飯店舖長賈秀峰戴雲軒喝盛茶園舖掌賈士麟均因
欠債被白公館吳公館公館及英商新福商義德商元亨各行先後稟送有案既同為賈秀峰等欠款即應將該商等名下應分傢俱分
別勻抵方足以昭公道該武生等並不查明前批行詞確屬實屬荒謬且據賈秀峰等應分傢俱情願作抵查賈秀峰戴雲軒久已逃
匿係由何人作主未據叙明亦屬含混該生等既出為調處者再另行稟公妥議呈候核奪○邱裕勛呈控邱十一等批房地以契串為憑爾
父起蓋草房如果屬實契據應在爾手爾堂弟邱十一何能平空偷典呈詞顯有不實不准
保定新聞

命案未結 ○清苑趙家莊趙大有子三人其幼子為後室所生趙近將長子次子分析上年次子卒無嗣趙與後妻欲以其子之
子承嗣次子婦下開梁氏女也頗有蓄積不從其議趙時時罵詈不絕月前次婦驟然身死其母家知有別情遂赴官控告斯時梁氏尚未
交卸驗傷痕果確拘趙夫婦及其子嚴訊之知其謀出自趙之二子疊次訊鞫尚未供實并幫兇者亦未指明何人云
秦天新聞

俄督晉京 ○訪事人來書云俄提督由旅來晉晉駐數日即行晉都風聞俄督此行為中國建造東省鐵路有碍該國工程意中是
否別有所屬蓋不得而知也
體恤民艱 ○奉省伊將軍延府尹札飭金州廳會同協領等查明戶口分別遷移略謂照得俄租旅大已有定約乃該國屢出告示
將旅大兩處附近民地業皆售與俄商限日遷令遷徙查俄議已成勢難抗拒為此飭札先行查明各戶願投依某城親族及無親族又
無投奔者各共若干家男婦若干名口均自分撥附近海蓋復岫古城安撫局為照料加意撫綏商民等倘有移居所屬界內仰即會同據
派委員設法安置並查明旗民男婦共有若干極貧次貧者如何接濟將辦理情形隨時具報云云

吉林新聞
望澤情殷 ○吉省友人來簡云自春復夏雨澤稀少各處地土乾燥異常麥稼等苗難以以下種農民望切雲霓無不私心默禱想
蒼蒼天必使甘霖霽沛也
疫氣流行 ○入夏以來天氣不正居民多患瘟疫其症先患咽喉旋即鼻筋不出二日即死有善治之者或可更生然十人之中得
活者祇三四人亦云慘矣
東南各省新聞

告示照錄 ○委辦沙市事件即補道札判宜施道沙市關監督倉為出示曉諭事照得沙市南幫客民藉故糾眾放火延燒華洋房
屋船隻一案當經江陵縣拿獲首要各犯余以仁李得勝張大員袁輝煌到案訊據供認因同鄉楊與全被招商局更夫周順順毆傷起釁
滋鬧放火華洋房屋搶奪財物並把獲外國衣服等件解由本道督同府縣印委各員覆加研審據直供認前情不諱照例罪應斬決電稟請
即照章就地正法至商局更夫周順順等因行兇肇釁成巨禍應如何懲治請示遵辦等因本月初三日奉署督部堂譚電開余以
仁李得勝張大員袁輝煌放火燒華洋房屋搶奪財物起釁外國衣服等件如此供認確鑿案屬兇暴昭著同惡相濟未便稍稽輿
論白晝搶劫湖北奏定案章程將余以仁等四犯一併就地正法案關華洋交涉應再加重首示以昭炯戒商局更夫周順順等因行兇
釁成巨禍應即照章監禁候案移西照例問擬治罪仰即迅速遵辦等因奉此遵即飭縣監提余以仁等四犯斬決傳首犯事地方是示
商局更夫周順順等因行兇肇釁成巨禍應即照章監禁候案移西照例問擬治罪仰即迅速遵辦等因奉此遵即飭縣監提余以仁等四犯斬決傳首犯事地方是示
抗底不交以致釁成巨禍實屬罪有應得已經本道會同府縣印委各員稟請督部堂撫部院知照候選知縣張鴻澤奏參革職案奉
辦以昭折服在案合行出示曉諭此示仰沙市軍民人等一體知悉爾等須知放火燒搶罪干聯首倘有應得嗣後務各安守本
分毋得妄為二尺具在不能容其各遵遵毋違特示

江南學務 ○頭品頂戴兵部尚書兩江總督部堂兼管兩淮鹽政項勇巴圖魯劉公額示曉諭事照得本部堂奏明辦理兩湖田丈
墾准繳價升科一案奉 旨允准即經欽遵派員前往通分司屬先行開辦並委通司會同辦理此係兼籌並顧商灶農民均沾利益須知處
內堤外均屬商務公地不能稍有偏枯自應一律清丈繪圖辦理以昭平允惟海濱百姓殊少識字讀書應責成各灶董事總頭切實宣而德